

Unsicherheit

's is alles so schön im Gleichgewicht
- hawi gedacht
und mei Verschli gemacht.
I bin doch aa e Mensch vo Fleisch und Blut
und was mer heut läs kann
schwarz auf weiß,
is aa mir nix Neu's.

Und doch: mer mecht si Gedanke dabei
üwer die moderne Schreiwerei.
Mir fällt halt auf,
i kann nix dazu,
heut gits doch überhaupt kee Tabu!
Vom Mann zu der Frau die Intimität,
die geht doch ken dritte was aa
und mer meent doch, des wär es Schönste dra!

Heut schreibt mersch auf,
mer zeichs im Bild,
Sex-Läde git's
Sex-Filme non stop.

^{viele}
Mir scheint, daß ~~das~~ von dere Bransche
bloß aus lauter Profit im Morast rumpansche!
Die Lieb, - wie könnt'n des annersch sei! -
die kommt doch viel zu kurz dabei.

Vielleicht steh i mit dere Meinung halt
ziemli allee.
Warum?
Zu alt!

^{kann}
Daß mer recht hat, ~~düf~~ mer aa nimmer saach;
unsicher is mer wor'n so nach und nach.